



NATIONAL SENIOR CERTIFICATE EXAMINATION
NOVEMBER 2019

SISWATI LULWIMI LWEKUCALA LWEKWENGETA: LIPHEPHA II
SISWATI FIRST ADDITIONAL LANGUAGE: PAPER II

Sikhatsi: 2½ Emahora

Emamaki: 100

TICONDZISO

1. Leliphepha lemibuto linemakhasi la-4.
 2. Leliphepha lemibuto lehlukaniwe tigaba letimbili, Sigaba A neSigaba B.
 3. Sigaba A sinemamaki la-60, Sigaba B sona sinemamaki la-40.
 4. Fundzisisa kutsi leso naleso sigaba siphendvulwa kanjani.
 5. Cala leso naleso sigaba ekhasini lelisha.
 6. Bhala linani lemagama lowasebentisile ekugcineni kwaleyo naleyo mphendvulo yakho.
 7. Phendvula yonkhe imibuto ngeSiswati lesemukelekile.
 8. Hlela kahle umsebenti wakho ubuye ubhale ngesandla lesifundzekako.
-

SIGABA A TEMIBHALO

UMBHALO INOVELI

Bungani Bebangani: S. M. Magagula

Phendvula yonkhe imibuto kulena lemine lebutiwe. Ungakhohlwa kwesekela lokushoko ngaloko lesikutfolela endzabeni.

UMBUTO 1

Fundza lethekesthi bese uphendvula imibuto lelandzelako.

Uyezwa na!
Uyezwa na!
Lalela ngikutjele tindzaba letiphuma enkhosini.
Itsi tintfombi ingabisa,
Atiphelele emphakatsini eLudzidzini
Mhla tingemashumi lamabili nesikhombisa
Enyangeni yeNgc.
Tiyawubhalisa endvuneni yato ngalelo langa.
Kuphuma:
Tiyawuphuma mhla tingemashumi lamabili nesiphohlongo kuyo iNgc.
Tiyawugidza mhla lulunye enyangeni yeNyoni
Tiphindze kugidze mhla titimbili kuyo iNyoni.
Umyalo etikhulwini
Nguleso naleso sikhulu kudzingeke sikhipe emajaha lamane
Kute achube tintfombi, kuze kutsi
Mabili emajaha akwati kubikela labadzala
Nasekungaphili lomunye webantfwana
Noma asafakwe esibhedlela.
Tikhulu tiyayalwa kutsi tiyale tintfombi eMphakatsi
Natiphuma, kutsi tingalokotsi kwehlukana nemajaha,
Ngobe sekuvamile kwenteka tingoti endleleni.
Tikhulu tiyayalwa kutsi tingakhiphi bantfwana
Labasebancane ngenca yekwesweleka kwemhlanga
edvute,
Bantfwana bangabe basakhona kuhamba indzawo lendze.
Usho njalo uMlomo longacali manga.
Usho njalo Mswati lomnyama kulabalutfuli.
Ulodvungandzaba waseMbelebeleni.
Bayethe
Wena waphakathi
NguLungile Ndlovu
Indvuna yetintfombi.

[Likhasi: 27]

- 1.1 Nika imisebenti ibe mibili leyentiwa tindvuna emhlangeni. (2)
- 1.2 Bantfwana labasebancane abadzingeki leni emhlangeni? (2)
- 1.3 Simemetelo semhlanga singakhishwa kuletinye tindzawo ngaphandle kwasemsakatweni. Nika timbili tindzawo. (2)
- 1.4 Thuli uveta kutsi tintfombi tibaleka emhlangeni tiye kuphi? Bungoti buni lobungavelela tintfombi tisabalekile? Nika kunye. (2)
- 1.5 Lelisotja lelatfolakala naThuli elolini latfola siphi sijejiso? Utsini umbono wakho ngaso lesijejiso? Chaza. (3)
- 1.6 Tintfombi nangabe tiye emhlangeni tifundza lokunyenti lokuhle. Sekela ngemaphuzu lamane aloko letikufundzako. (4)
- [15]

UMBUTO 2 INDZABAMBHALO LEMFISHA

Kulenzaba kunebantfu labadvuna labahlukubeta emantfomatana. Sekela lombono usebentise balingisi labatsatfu labatfolakala kulenzaba labahlukubeta emantfomatana. Imphendvulo yakho ayibe **ngemagama la-100–200**. [15]

UMBUTO 3 INKHULUMISWANO

Kunenkhulumiswano/Inkhulumomphendvulwano emkhatsini waLaHLophe naSiphiwe ngetinkhulumo takhe nebangani bakhe ngemuva kwekuta kwebakaFLAS esikolweni sakhe. Yibhale lenkhulumomphendvulwano. Imphendvulo yakho ayibe **ngemagama la-80–100**. [10]

UMBUTO 4 INDZABAMBHALO LENDZE

Khetsa nobe nguwuphi umbuto **UBE MUNYE** kulena lelandzelako uphendvule ngawo. Imphendvulo yakho ayibe **nemagama la-120–150**.

- 4.1 Bantfu labasha babukana netinsayeya letinyenti basakhula emmangweni. Bhala indzaba wesekele lombono ngemaphuzu lamane lowatfole kulenzaba, latinsayeya tebantfu labasha. (20)

NOBE

- 4.2 Umuntfu ungumphumela wetento netincumo takhe latitsatsako emphilweni.

Fakazela lombono ubhekise kulabalingisi:

- Thuli
- Siphiwe

(20)
[20]

60 emamaki

SIGABA B EMATHEKSTHI EMIBHALOMBIKO

Phendvula yomibili lemibuto kulesigaba.

UMBUTO 5 INCWADZI YEBUNGANI

Phendvula lombuto lolandzelako. Loko lokucuketfwe yimphendvulo yakho akube **ngemagama la-150–200** ngaphandle kwelikheli nesiphetho. Ungakhohlwa kulandzela imitsetfo lemisiwe yekubhalwa kwencwadzi yebungani kanye nekupelwa kwemagama ngalokusemtsetfweni.

Sikolo sakho besinemcimbi lomkhulu wekuklomelisa bafundzi labasebente kahle etifundweni tabo nasemidlalweni kulomnyaka. Ngenhlanhla lembi umngani wakho akakhonanga kuta kulomcimbi njengobe abegula. Ukubhalele incwadzi kubuta kutsi uhambe njani lomcimbi. Mbhalele incwadzi umphendvule, umatise ngaloko lobekwenteka kulomcimbi.

[30]

UMBUTO 6 SIMEMETELO

Phendvula lombuto lolandzelako. Loko lokucuketfwe yimphendvulo yakho akube **ngemagama la-120–150**.

Ulahlekelwe sipashi sakho ngalesikhatsi usedolobheni. Bhala simemetelo lotasikhipha ephephandzabeni ucele bakutfotisele lesipashi. Ungakhohlwa kuveta kutsi sinjani, bekunani ekhatsi njalo njalo.

[10]

40 emamaki

Samba: 100 emamaki